

石城縣志

光緒十四
年重修

高城縣志

重修石城縣志序

地志之書秦漢以前不少概見山海經多後代增益之辭非可盡據也若禹貢所紀職方氏所述第詳方域山川風俗物產而已竊謂古之方志大率類是自元和郡志始

述古蹟太平寰宇記並臚人物閒
涉藝文踵事增華厥體遂雜宋元
以後作者滋繁郡邑紀錄日新月
盛核其大要皆取詳贍廣攬博綜
有類史書輿地之篇僅其一體心
同貌異斯之謂歟然攷之周官小

史實掌邦國之志古之邦國後之
郡縣也是即今志之椎輪已惟是
體裁既博義旨益宏撰述之難幾
與史媿是以方志雜陳罕覲善本
良由詳事鋪叙弗工裁剪則失之
蕪矜言簡貴刊落文辭則失之陋

祛斯二蔽往往難之余以光緒丁
亥來宰石城值大府有續修通志
之舉檄請郡縣先事為之前令濟
甯郭君壽農經始未就即調他邑
余承其後始舉行焉舊志修於嘉
慶之末距今已六十餘年其間政

令有更革民戶有登耗與夫宰官
循良之績士女節行之概失今弗
錄後將曷徵顧以志乘之書具體
正史自非碩才通識慮弗能勝特
延副憲吳川陳荔秋先生主纂修
之任兼以事宜策都人士令之條

對擇其尤者俾襄事焉尋遇己丑
鄉試余以佐理闡務調赴省垣事
竣移宰四會深以弗究所事為恨
迨辛卯夏復還石城則志書告藏
矣余覽其書於舊志體例多所更
改舊志門類猥雜輕重失御今悉

緒并區為八篇一曰輿地二曰建
置三曰經政四曰職官五曰選舉
六曰人物七曰藝文八曰紀述子
目四十有七各條繫焉舊志輿圖
廣狹不明惟盈方幅今特按經緯
之度計里開方並仿鄒特夫先生

南海志之例總圖而外分繪都甲
明劃翔實啟冊瞭如舊志首列
典謨具錄訓典多有通志所不
應載者區區一邑奚煩牽涉義既
無取理宜從刪至若禮樂祭祀率
土通行殊鄉僻壤可備觀聽今以

隸諸建置類壇廟下亦創例之可
通者也舊志於賦役刑政諸事裁
割分裂義法懵然今竊本通志統
以經政之名用為櫟括至於職官
選舉非表不明年經月緯肇體遷
固舊志不諳此法今改用之又舊

志於人物傳區析未宜繁猥特甚
鄉賢忠義孝友齒德諸目隨臆標
舉不顧其安今盡汰芟統歸列傳
至於藝文一門例載書目石城著
撰雖涉寥閼苟有可紀無庸缺如
其舊志所載詩文悉甄埒各門本

條之下用范至能吳郡志例也金石一類舊志所無以搜討未富弗能成帙增諸紀述焉全書共十卷始自丁亥迄於辛卯歲閱五稔乃克成編余幸得始終其事私竊欣慰然而諸君子之心力亦云瘁矣

迹其舉綱挈目增事媮文刪裁繁
誣刊改漏失雖未知於古人何若
以言舊志洵為過之蕪陋之譏庶
乎其可免也耶抑余更有進焉者
徵文攷獻特士大夫之事耳若夫
覽輿地則阨塞宜明稽建置則城

隍宜飭攷經政則釐補宜密而和
集宜勤讀宦績之傳則宜念信惠
之何以煦乎披選舉之表則宜思
賢能之何以造就觀人物之樸摯
則宜舉善行以興俗閱藝文之盛
衰則宜唱經術以造士參之紀述

石塘集
所錄災變豐凶諸大端前事之不
忘皆後事之良師也推已成之迹
而濟以幹膽勿恃鉤距勿憚瘁癰
以上副

聖天子怙冒海隅之至意斯則守土者
之責也夫

光緒十八年歲次壬辰夏六月知
石城縣事吳縣蔣廷桂謹序